

目金錢做人

咱攞毋是好額人。

世間上，若真正目金錢做人，咱難免會懷疑咱家己，我是毋是袂曉做人？

有小朋友送同學貼紙、糖仔餅，開一寡仔錢，結果，平時仔形象好、人緣好、無開半仙錢的人當選模範生。可見，佇單純、天真、無受「選舉無師傅，用錢買著有」污染的囡仔世界，證明錢毋是做人唯一的條件！

佇大人的世界敢一定目金錢做人？我捌聽過一 e5 數想欲做民間團體會長的好額人公開講：

「各位會員，我真希望會當做後一屆的理事長。假使，各位若支持我做理事長，各位的年費和理監事該交納的費用，攞由我一人包辦，按呢好毋好？」

好毋好拄講煞，在場的人竟然全聲無全喙大聲喝講：

「毋好！」

啥講目金錢做人？人和人之間的感覺、情分、關係、記持，攞愛靠平時仔建立、累積，數想一時間用錢買收別人的感情、判斷，無意中否定著看錢無重的人，嘛否定了願意佇團體中出一寡仔錢，才有參與感和光榮感的人，這種用錢做人法，毋但做無袂成功，閣會顧人怨。

講真的，袂使迷信金錢，尤其袂使認為有錢等於 gau5 做人，愛跔踏實地，照人情義理，好好仔做人，好好仔學做人，才是做人的根本之道。